

SHWBIZ KLIP

BON DIA

Aruba



Esaki ta Roderick Lopez cu tabata compaña pa e band ATNG riba e prome anochi. El a hala atencion di esnan presente y e tabata un di e dosnan cu a sona bon y cu tin tur ingrediente di por pasa p'e gran final di diasabra. Su presentacion tabata uno optimal mientras cu nos a combersa cu e doñ di e banda cu a cab'i yega for di Hulanda y el a señala cu nan lo bai warda e resultado final p'asina polish e detayenan cu no a bai bon den nan concepto.



Lady V, Viviana Hooker sin duda a duna NBO e lucides cu tabata spera di dje, e tin un bon roadmarch cu ainda nos tin cu bai custumbra na dje. Sin duda cu e duo di Kembo Cheng y Kevin James a prepara un di e miho temana p'e. For di Whine and Slide y Latin Fever el a bira un di e participantenan cu mester paga bon tino cu nan ya cu semper e ta haya bon comentario di su roadmarch.



Esaki ta e caranan cu tin e trabao di huzga cada un di e participantenan di e prome y ultimo anochi di pre final, e huradonan lo cambia pa e gran final. E caranan aki no ta desconoci, nos tin sigur cu nan lo a huzga di e manera mas corecto p'asina nos haya lo miho diasabra den Joe Laveist Sport park. Pero nos tin sigur mirando nan profil cu nan no tabatin mucho dolor di cabez den e prome dos anochi nan.



Queen Melody despues di a perde letra aña pasa cu Oreó riba escenario, e aña'ki compaña pa Reload a bin den serio y fuerte. Emelie Peterson cu ta su berdadero nomber te cu prome cu a duna e resultado pa sa ken ta sigui pa final, tabata esun cu tin un di e miho calypsonan participante.



Omar Robles de Medina, Mighty Psycho ta e di dos cu a hala atencion di henter e lista di largo di participantenan cu ATNG a presenta riba e prome anochi. Eventualmente e tin tur e elementonan pa bai p'e gran final, pero ta keda wak kico e huradonan a huzga Mighty Psycho. Cu a presenta e tema "Feel de Soca"....cu hopi elementonan di e masha 'kick'....pero lo mester scucha esaki mas biaha.